

小謨觴館詩文集注

小坡館詩文集

小謨觴館
詩文集注

詩餘附錄

光緒甲午泉
唐汪氏合刻
陶潛宣署首

序

太室之山嵩邱之下有謨觴焉蓋上帝之冊府羣真之
秘閣吾不逢仙客不覩異書俯仰世間嘗以爲憾及與
君交觀其所作頓驚癡俗始歎靈奇譬如窺朱鳥之牕
中爛然甲帳駕綵虹於霄半麗矣瓊樓洞庭張樂何有
箏笛之音瑤池命宴故非煙火之食足使江東袁淑賦
藏鸚鵡關中庾信詩遜鳴蟬南城曾燠

誠觀聖訓中言曰誠則聖而無欺

聖治之有由斯言誠是奉獻人之有受其不欺

中誠然甲乙兩利也故其學與道無二其理同

恆交贈其面而無欺也故其理與道無二其理

誠則吾不聖而吾不聖也其理與道無二其理

大定之山嵩祝之不可欺也其理與道無二其理

中

詩集序

予與彭子湘涵交十年矣始自里閭聞其髫穎髦秀駒
逸鳳騫夙用慕尙塗轍乖分薜蘿淮陰各在羈屑尤君
祖望爲書以通介而相見自後或睽而合率不歷月經
時以逮今茲乃得盡讀其二十年所爲之詩凡若干集
若干卷而序之曰湘涵自少迄壯總十餘稔其所爲以
才爲主以古爲程旁午側出綺組瑰恢珊瑚木難碎不
問賈雉裘火錦焚如裂如九機百鑷五軌六莊虞淵下
春迫而逐之山子驟耳駕而先之秦娥趙女越施漢嬙
不迺步幃俠侍妍冶妖嫗失氣嬌夫盪魄嗚咽顛倒莫

知其由揆其張弛辭勝於理由立至強悼心亂慮姦窮
既謝百怪退舍深谷峭壁夷爲唐途方車駟馬憧憧往
來徑寸之珠不易握粟熙熙饑年不羨太牢如暘得陰
如壓得醒疲劇登頓邃宇攸憩其直詞正氣宏辯博議
契濶骨肉徘徊死生婉篤諄復意哀旨深老氓力穡宿
將布陣不問豐凶不憚首級亞旅從令斥堠自遠惟其
以理爲主以才爲輔古設今施宏演澣穆湘涵之所爲
又一變而泊乎有成嗚呼唏哉自念交臂暨於盟心凡
所相期曷盡在是由其才氣壯盛可以陵終轢賈蹕厲
建監洊至馴擾冥心逢源亦必裨補風俗理化和平年

運而往齒髮各驚蝨簡齧翰銷沈知慧假道自信詎云
本懷徒以術業無殊欣戚不二蓼蟲桂蠹彼我自知言
其苦辛未爲膚受爲述之如此尤君而外勿以示人嘉
慶丙寅八月望日吳江郭麐序

湖內寅八日望月吳王帳中

其古事未竟而忽之吸光武故而佩以和光

事雖其以備矣然其知知不仁遠處林邊好自說

重而於函變不猶本而變其意以藉其意曰計其

小謨觴館詩文集總目

并自序

幼經遐陬壯慕劬學九流百家輒涉厓略感心發言諸
體間作窮薄寡諧罕事修禱以厠藝林滄海稊粟計古
今體詩八卷詩餘一卷賦序書記碑銘雜文四卷爲初
集甘亭居士彭兆蓀識

詩集

第一卷

樓煩集

第二卷

南鴻集

第三卷

星社集一

第四卷

星社集二

第五卷

傭書集一

第六卷

傭書集二

第七卷

葦杭集

第八卷

觀濤集

詩餘附錄

文集

第一卷

賦

第二卷

序

第三卷

書

第四卷

記碑銘雜文

小謨觴館詩集注卷弟一

錢唐孫

元培

長熙

纂輯

樓煩集

辛丑迄丁未

山右寧武古樓煩地西極河湟北鄰火篩瓦刺諸部
雁門三邊之一也兆蓀象勺之年家君作宰十稔於
茲朔代燕雲還往如織當夫霜月白夜古情鬱霞黃
麀酒酣銅斗歌作輒銜其山川學爲賦詠刪十存一
戢戢已多雖操觚率爾而以志少時鴻爪爲勅勒繼
聲朔管霜笳觀者其有星心月口之思乎乾隆丁未
陽月上澣甘亭居士書於樓煩官舍之獲古堂

山西通志周王會圖有樓煩國戰國屬趙唐置寧武軍 國朝雍正三年改爲府領縣四 許慎說文解

字湟水出金城羌塞外東入河 明史孝宗紀宏治十三年火篩寇大同 明史外國列傳瓦剌亦蒙古

部落在鞑靼西 明徐綬新置寧武關記山西瀕塞要害之關三雁門偏頭及新置寧武是也 杜甫夜

詩白夜月休弦 江淹恨賦鬱青霞之奇意 南史曹景宗傳逐麀數助射之渴飲其血 孟郊送淡公

詩手拍銅斗歌 文心雕龍辨騷吟諷者銜其山川韓愈贈崔立之詩戢戢已多如束筍 蘇軾澠池

懷舊詩人生到處真何似好似飛鴻踏雪泥泥上偶然留指爪鴻飛那復計東西 北齊書神武帝紀使

斛律金唱敕勒歌自和之 孟郊聞角詩已開孤月口能說落星心

企喻歌二首 辛丑

男兒一墮地鷄子飛向天身是射生手不求舉力田

傅休奕詩男兒當門戶墮地自生神 郭茂倩樂府解題古今樂錄有企喻等歌三十六曲 古企喻歌

鵲子經天飛羣雀兩向波
唐書兵志擇便騎者置衙前射生手千人
漢書惠帝紀舉民孝弟力田者復其身

易博食肉侯難得可手弓明明天上月不落韞弣中

後漢書班超傳相者指曰生燕頤虎頸飛而食肉此萬里侯相也
十六國春秋慕容翰傳翰彎弓三石餘矢尤長大號爲造可手弓矢使迎之

隴水歌辭二首

舌卷入喉羸陰沍藏胷中斗血風吹不涼

樂府解題古隴頭歌辭寒不能語舌卷入喉

嗚咽嗚咽肝腸斷絕水咽復波腸絕奈何

又隴頭流水嗚聲嗚咽遙望秦川心腸斷絕

讀北史六首

十步有一芳何辭間荆棘才人屈城使陋塞自歎邑

北史盧文偉傳孫詢祖為築城使自負其才內懷鬱鬱作長城賦以寄意云但使十步而有一芳今余亦

何辭間
於荆棘

翩翩虞公子見笑李文博輕薄少年場長沙不可作

北史李文博傳初文博在內省校書虞世基子亦在內盛飾容服而末有所知問之年日十八文博曰昔

賈誼當此之年議論何事君今徒事儀容欲何為者
長沙見漢書賈誼傳

巨倫遇葛榮拙詩以自晦如何沙門標乃坐五言罪

北史崔伯謙傳孫巨倫有文章葛榮聞其名五月五日令賦詩巨倫曰五月五日時天氣已大熱狗便呀欲死牛便喘吐舌以此自晦得免
南史虞寄傳初沙門慧標有才思陳寶應起兵以詩送之日送馬僧

臨水離旗稍引風好看今夜
月當照紫微宮後竟坐是誅

闕佛佛寧校崔公曠代賢從來薄延壽作史論因緣

北史崔浩傳浩非毀佛法而妻好釋典浩怒焚之捐
灰廁中及浩幽執置檻內衛士搜其上宰司之被戮
辱未有甚於浩者世皆以爲報應之驗按李
延壽北史說本於魏書作者特就北史言之

景仁工八體便足致開府可憐劉孔昭秀才不得舉

北史張景仁傳工草隸爲後主所愛進位儀同三司
加開府自蒼頡以來八體取進一人而已
北史劉
晝傳字孔昭求秀才十
年不待撰高才不遇傳

黃衫屬兒子力戰不謀身千古求才者崔蒲大有人

北史麥鐵杖傳陳天建中結聚爲羣盜煬帝時除左
屯衛大將軍及遼東之役呼其三子曰阿奴準備淺
色黃衫吾荷國恩今是死日我被殺
爾當富貴
崔蒲見左昭二十年傳